

ՀՐԱՏԱՐԱԿՈՒԹԻՒՆ Յ. Գ. ՓԱԼԱԳԱՇԵԱՆ

Ա Ր Ո Ւ Ե Ս


ԼՈՒՍԱՆԿԱՐՉՈՒԹԵԱՆ

ՈՒՍԱՆԵԼԻ 40 օՐԵՆ

Յ Օ Ր Ի Ն Ե Ց

ԿԱՐԱՎՈՒՏ Պ. ԲԱԲԱՐԵԱՆ

Ուսանողի Դեղագործութեան



■ معارف نظارت جليله سنك رخصته به طبع او لنشدر

Կ. ՊՈՂԻՄ
ՏՊԱԳՐ. ՆՇԱՆ Կ. ՊԵՐՊԵՐԵԱՆ

—
1893

ՅԱՌԱԶԱԲԱՆ

Թէ ի՞նչպէս կը տեսնեմք :

Երբ ցերեկ ատեն բոլորովին մթացնենք սենեակ մը՝ միայն պատիկ ծակ մը բաց թողլով, պիտի տեսնեմք որ առարկայից պատկերը ծակէն անցնելով, դիմացի պատին վրայ գլխիվար կը գծուի : Ճիշդ ասոր նման ալ, մեր աչքը կլոր մութ սենեակ մ'է, որուն առջեւի լուսանցքին վրայ զետեղուած է մեր բիբը՝ ուրկէ անցնելով առարկայներէ անդրադարձ լուսոյ ճառագայթներն, գլխիվար կը գծուին ետեւի մասին վրայ, ուր զետեղուած է մեր տեսնական ջիղը : Բայց մենք ի՞նչու համար առարկայները գլխիվար չեմք տեսներ, խնդիր մը որ լուծուած չէ ցարդ . Թեպէտ եւ կարգ մը պատճառաբանութիւններ եղած են այս մասին, բայց եւ ոչ մին ընդունելի է, որովհետեւ ամենքն ալ տրամաբանութեան հակառակ են :

Իսկ եթէ առարկուի թէ մեր աչքը այսչափ պըզտիկ ըլլալով, ի՞նչպէս մեծամեծ մարմինները կը տեսնենք, այս տարակոյսը մէկէն կը վերցուի, երբոր նոյն իսկ մարդկային գործերը քննելու ելնենք : Պզտիկ գոգաւոր (եէնի ժիւնեա) հայելիներուն նման, որոց վրայ մեծամեծ առարկայները գեղեցիկ կը մանրանկարուին, աչքն ալ հայելի մ'է, աստուածաշէն հայելի մը : Աւելորդ է ըսել թէ մարդկային արուեստին չկրցած ըրած գործն ամենայն փափկութեամբ եւ կանոնաւորութեամբ ինքնին կը կատարուի՝ շընորհիւ ամենակարող Աստուծոյ ընութեան տուածօրէնքներուն :

Իսկ հեռաւոր առարկայից փոքր երեւնալուն պատճառը՝ մեր աչքին մէջ փոքր նկարուիլին է . եւ

փոքր նկարուելուն պատճառն է՝ առարկային հեռաւորութեան համեմատ տեսողութեան անկեան փոքրանալը։ Զոր օրինակ, երբ երկու ծառ տեսնենք, մին մօտ, միւսն հեռու, ինչպէս որ վերը ըսինք՝ այս ծառերը չենք կարող տեսնել, մինչեւ որ լուսոյ ճառագայթները շանդրադառնան դէպ ի մեր ըիզը։ Ենթադրենք որ ծառերուն գագաթէն եւ արմատէն երկու ճառագայթներ կուգան մինչեւ մեր աչքը։ Մերձաւորագոյն ծառէն եկած ճառ ագայթները մեր աչքին ըիզին որ հասնին՝ աւելի մեծ անկիւն մը կը ծեւացնեն քան թէ հեռաւոր ծառէն եկած ճառագայթները, (այս անկիւնները կ'ըսուին տեսողութեան անկիւն)։ այս ճառագայթներն իրարու հանդիպելով՝ զիրար կը կտրեն եւ առջի անկեան հաւասար ընդդիմագագաթն անկիւն մը ծեւացնեն։ այս անկեան սրունքները կը հասնին մինչեւ առարկային պատկերն որ խաւարասենեկին մէջ գլխիվար կը նկարուի, եւ որ՝ թէ եւ առարկայէն շատ փոքր է, բայց ամենեւին համեմատութիւնը չը կորսնցներ։ իսկ հեռուի ծառէն եկած ճառագայթներն, որ աւելի փոքր անկիւն մը կը կազմեն, նոյն համեմատութեամբ փոքր պատկեր մը կը նկարեն։ Ուրեմն երկու հաւասար մեծութեամբ առարկայներու պատկերները խաւարասենեկին մէջ այլ եւ այլ մեծութեամբ կը գծուին՝ ըստ մեծութեան կամ փոքրութեան տեսողական անկեանց։

Լուսանկարչութեան գործածած խաւարասենեկին մէջ տեղի ունեցած երեւոյթն ալ աչաց տեսութեան երեւոյթին յար եւ նմանն է։ Երկու հաւասար մեծութեամբ առարկայներ, մին մօտ, իսկ միւսը հեռու, անկարելի է որ հաւասար մեծութեամբ գըծ-

ուին, բայց առարկայները ոչ երբէք իրենց մեծութիւնը կը կորսնցնեն. ուրեմն ի՞նչպէս կ'ըլլայ որ մենք մէկը մեծ, իսկ միւսը փոքր կը տեսնենք. վասն զի չէ թէ առարկայն, այլ առարկային պատկերն է որ մեր աչքին մէջ կը նկարուի, որով ո՛քափ տեսողական անկիւնը մեծ ըլլայ, առարկայն այնչափ մեծ կը տեսնենք, եւ որչափ փոքր ըլլայ՝ այնչափ ալ մարմինները փոքր կ'երեւին: Նկարչութեան մէջ չէ թէ առարկայից իրական պատկերն է որ կը գծագրենք, այլ մեր աչքին մէջ գծուած երեւոյթն է. քանդակգործութեան մէջ բուն առարկային իրական պատկերն է զոր կը կերտենք, իսկ լուսանկարչութեան մէջ առարկայից համեմատական պատկերն է զոր լուսոյ ազդեցութեամբ ծեռք կը բերեմք:

Ահա այս տեսութեանց վրայ հիմնած են Տակէր եւ Նիյէփս իրենց գիւտը, որ հնարուած օրէն մինչեւ այսօր, յիսուն տարիներու կարճ ժամանակամի-



Նիյէփս

ջոցի մը մէջ, ըրած զարմանալի յառաջդիմութեամբը համայն գիտական աշխարհը հիացուց, որովհետեւ չէ տեսնուած ուրիշ ո եւ է արհեստ մը որ այսպէս շուտով իւր կատարելութեան հասած լինի. սկիզբները շատ մը տաժանելի աշխատութիւններով միայն արդիւնք կընային յառաջ բերել, մինչ այժմ՝

գործողութեանց պարզութեան պատճառաւ՝ հասարակ արհեստաւոր մ'իսկ ամենայն դիւրութեամբ կարող է գործել եւ արդիւնք յառաջ բերել. ասկից զատ, դեռ քանի մը օր է որ Ամերիկայի Օհիօ նահանգին մէջ Ելեկտրագէտ-երկրաչափ Պ. Անցթիւցի հրաշալի մէկ գիւտը ամբողջ տիեզերքի մէջ մեծ աղմուկ հանեց. Պ. Անցթիւց' պատկերներ, զանազան տեսարաններ հեռաւոր կէտերու մէջ փոխանցելու կերպը գտաւ՝ շնորհիւ Ելեկտրականութեան. Պոլսոյ մէկ լուսանկարչատունը պիտի մտնենք եւ խկոյն մեր լուսանկարը Իզմիրի մէջ պիտի ելնէ, եւ օր մը մեր սենեկին մէկ անկիւնը նստած՝ պիտի կարենամբ տեսնելինչ որ տեղի կ'ունենայ Հոնտոնի, Բարիզի եւ Նիւ եօրքի մէջ. Ստուգիւ քիչ մը թեթեւ երեւցող նիւթերէն կ'երեւի այս, բայց վստահ պէտք է լինիլ որ լուրջ աշխատութեանց եւ կարեւոր ուսումնասիրութեանց նիւթ եղած է եւ առ այս կատարուած փորձերը արդիւնաւոր վախճան մ'ունեցած են :

Ահա՝ այսպէս իւր պարզ եւ դիւրին գործողութեանց շնորհիւն է որ այսօր ամբողջ Եւրոպիոյ եւ Ամերիկայի մէջ այս արհեստ ամենէն զբուցուցիչ զուարձութեանց կարգն անցած է. հոս մեր երկրին մէջն ալ մեզմէ շատեր վերջերս սկսած են սոյն արհեստը ուսանիլ, ոմանք ալ արդէն սկսած են զբունուլ սոյն օգտակար եւ հաճելի արհեստով, բայց ցաւալին այն է որ ոմանք շատ ծախքեր կ'ընեն սովորելու համար, իսկ այլք ասկէ անկէ սխալ տեղեկութիւններ քաղելով, կ'սկսին իրենց գործը. ուստի պարտ անծին համարեցի փոքրիկ ծառայութիւն մը ընել այդպիսեաց, պատրաստելով տետրակս որ նոր սկսողներու համար լաւ առաջնորդ մը կրնայ լինիլ:

ԼՈՒՍԱՆԿԱՐՉՈՒԹԻՒՆ

Հուսանկարչութիւնն է՝ արեգական լուսոյ աղ-
դեցութեամբ որ և է առարկայի մը նկարը բը-
լաֆի մը վրայ պատկերացնել։

Բլաֆկոչուածը որոշեալ տարածութեամբ կըտ-
րուած ապակին է, որուն մէկ երեսը Փէլարինօ-
պրօմիւր-ս'արժան անուամբ բաղադրութեամբ մը
կ'օծեն՝ զայն արեւուն ճառագայթներուն ըգ-
դայուն ընելու համար։


Առաջները լուսանկարիչն պարտաւոր էր բլաֆ-
ներն ինքը պատրաստել, բայց հիմա Եւրոպայէն
պատրաստուած տուփերու մէջ կը զրկուին. ահա
այս մեծ դիւրութեան պատճառաւ է որ այսօր
գրեթէ ամէն ոք կը փափաքի զբաղիլ սոյն հետա-
քրքրաշարժ արհեստով։

Առարկայի մը պատկերը բլաֆի մը վրայ առ-
նելու գործողութիւնը պատկերառութիւն կ'ըս-
ուի։ Այս գործողութեան պահանջումներուն
պէտք է լաւ ուշադրութիւն ընել, որպէս զի
որբուծ կոչուած տեսակ մը սրբագրութեան պէտք
չը մնայ, սրբագրութիւն որ յաճախ առար-
կային բուն նկարէն տարբեր նկարներ կուտայ մեզ։


ՊԱՏԿԵՐԱՌՈՒԹԵԱՆ ԿԵՐՊԸ

Հուսանկարչութեան արհեստին մէջ՝ ամենէն աւելի ուշադրութեան արժանի կէտը գրեթէ այս գործողութիւնը կը համարուի, որ՝ պատկերառութեան ատեն՝ գործիքին մանրադէտը բանալու գոցելու տեւողութենէն և առարկային տըրուելիք դիրքէն կախումն ունի։ Մյու մասին դեր խաղացողն է փորձառութիւնը որ կ'ստացուի վարժութեամբ։ Միայն թէ ուշադրութիւն ընելու է լուսոյ սաստկութեան կամ նուազութեան, պայծառութեան կամ մթութեան, և ասոնցմէ յառաջ գալիք դժուարութիւնները բառնալու համար յարմար տեղ մը որոշելու է, և դիրքին ալ անգիտակ ըլլալու չէ։

Գալով լուսանկարչութեան գործիքին, սա կը բաղկանայ տուփէ մը որուն մէջ սեւ ներկուած է, առջեւի կողմը լուսանցք մը կը գտնուի որուն մէջ զետեղուած է մանրադէտն։ Իսկ ետևի կողմը անթափանց ապակի մը կայ շրջանակաւոր որ պատուհանի նման կրնայ բացուիլ ու գոցուիլ։



Տուփ



Մանրադէտ

այս ապակին երբեմն գործիքէն բոլորովին ան-
ջատ կը լինի, և ի հարկին իւր տեղը կը դրուի
կամ կը վերցուի։ Սա քաջ գիտնալու է թէ ման-
րադէտի լուսանցքի բացուածքը տուփին մեծու-
թեանը բազդատմամբ կը շինուի. տուփը կը դը-
ռուի որ և է կերպով մը իրարու միացած երեք
շարժուն ոտքերու վրայ որք ի հարկին պէտք ե-
ղածին չափ կը բարձրացուին. իսկ մանրադէտն
ու ապակին փուքի մը միջոցաւ մէկզմէկու վրայ
կը ծալլուին։

Եթէ շէնքի մը կամ տեսարանի մը լուսանկարն
է որ պիտի առնենք, շողարձակ արեգին ճառա-
գայթները անշուշտ հարկաւոր են մեզ, քանզի
այսպիսի նկարներ վայրկենական կերպիւ կ'առ-
նուին, այսինքն մանրադէտին կապարիչը բացա-
ծին պէս անմիջապէս գոցելու է. բայց եթէ օ-
դը աղօտ է, տեսարանի մը լուսանկարը չառ-
նուիր, որովհետեւ մանրադէտը քանի մը երկվայր-
կեան պէտք է բաց մնայ և այդ տեւողութեան
միջոցին տեսարանը կազմող կենդանի առարկայք
կը շարժին և նկարը յոյժ խառնակ կը լինի. զոր
օրինակ՝ ընդարձակ հրապարակի մը նկարը պիտի
առնենք ուր կան կառքեր, ձիեր, ևայլն. հար-
կաւ կարելի չէ մի քանի երկվայրկեան ամբողջ
տեսարանը կազմող մարդիկն և իրերը անշարժ
թողուլ։ Ուշադրութիւն ընելու է նաև որ, լու-
սանկարն աւելի գեղեցիկ հանելու համար, տու-
փին ետեւի կողմը միշտ արեգակին դէմ ըլլայ,
այսինքն տեսարանին այն կողմի պատկերն առնելու

է ուր որ արեգակն ուղղակի կը ճառագայթէ :

իսկ թէ որ օդին խիստ պայծառ եղած առեն
մէկ կամ աւելի անձանց լուսանկարը առնել ու-
ղենք, անպատճառ շէնքի մը կամ պատի մը շու-
քին տակ առնելու է և այնպիսի դիրք մը տալու
է որ անձանց դէմքերուն մէկ կողմը թեթևակի
ստուերով մը սքօղի, որով թէ՛ յստակ կը լինի
պատկերը և թէ՛ դիտողին հաճելի կը թուի. ա-
սոր համար շուքին մէջ այնպէս մը կարգադ-
րելու է որ, մարդուն մէկ կողմը դէպ ի պա-
տը դարձած ըլլայ, իսկ միւս կողմը բնականա-
բար դէպ ի բացը, որով լոյսը անձանց դէմքին
մէկ կողմին անդրադառնալով, միւս կողմը թե-
թեւակի ստուերով մը կը քօղարկէ և աչաց հա-
ճելի նկար մը կ'ընծայէ մեզ. իսկ խաւարասեն-
եակը նոյն դիրքով առարկայից դէմը զետեղելով,
անթափանց ապակիին վրայ անձանց դիրքը քա-
նիցս դիտելէ զկնի դործողութիւնը կատարելու է :

Ամպամած, ազօտ կամ ձմեռ առեն առ
հասարակ ամեն տեղ լուսանկար կ'առնուի, բա-
ւական է որ լոյսն և առարկայից դիրքն վերո-
դըրեալ պայմանաց համեմատ որոշուի :

Ո.յսպէս լոյսն միշտ նկատողութեան առնե-
լով նկարելի անձերը կամ առարկայները յարմար
դիրքի մէջ տեղաւորելէ և խաւարասենեակը ա-
նոնց դիմաց ըստ պատշաճի եռոտանիին վրայ
զետեղելէ վերջ, անթափանց ապակին հանելու և
անոր տեղ դնելու է բլաֆը պարունակող ռասի
անուանեալ տուփը : Սա եւս պէտք է դիտնալ որ

բլաները տասիին մէջ այնպիսի կերպով մը դնելու է որ անոնց օծեալ երեսը դէպ ի մանրադէտը դարձած ըլլայ, որպէս զի գծուելիք պատկերն ուղղակի բլաքին զգայուն երեսին վրայ անդրադառնայ, եթէ ոչ՝ պատկերը անոր մերկ երեսէն կ'անցնի, որով թէ՛ պատկերին ուղղութիւնը կը շեղի և թէ՛ այլ անպատեհութիւններ յառաջ կուգան։ Այսպէս կարգադրելէ վերջ, տասիին կափարիչը քաշելով, միւս կողմէ մանրադէտը բանալու է՝ երկու երեք երկվայրկեանէ անմիջապէս յետոյ գոցելու պայմանաւ. բայց երբ օդը ամպամած, ազօտ է և կամ եթէ ձմեռ է, վեցէն մինչեւ տասը երկվայրկեան կարելի է երկարել այս տեւողութիւնը. առ այս բլաներու աւելի կամ նուազ զգայուն լինելն ալ մեծ դեր կը խաղայ։


Անհրաժեշտ պայման է նաեւ մաքուը լաթի կտորով մը բլանը (1) սրբելէ վերջ դնել տասիին մէջ, որպէս զի վրան չգտնուի ամենափոքր փոշի մը իսկ, որմէ անյուսալի անպատեհութիւն մը կրնայ յառաջ գալ։ Վերջապէս կատարեալ արդիւնք մը ստանալու համար, պատկերառութեան միջոցին մանրադէտը բանալու և խփելու տեւողութեան լաւ ուշադրութիւն ընելու է,

(1) Մասնաւորաբար կը յանձնարեմք Անթուան Կիւմիէրի և Մօնխօվն գործարաններէն արտադրուած բլաները՝ որք շատ խնամով պատրաստուած և վաճառականութեան մէջ խիստ յարգի են՝ իրենց վայրկենական զգայնութեանը համար։

քանզի գոյզն տեւողութեամբ մը կոշտ պատկերներ կ'արտադրին որոց ամենանուրը կէտերն անյայտ մնացած ըլլալով, մութ տեսարան մը կ'ընձայեն, իսկ երկար տեւողութեամբ կ'ունենաք միաձեւ և կենդանութենէ զուրկ պատկերներ՝ որոնք գողցես բարակ վարագոյրով մը ծածկուած լինէին:

ԲԼԱՔՆԵՐՈՒՆ ՎՐԱՅԻ ՊԱՏԿԵՐԸ ԵՐԵՒԱՆ ԲԵՐԵԼ

Բլաքներուն վրայ առնուած պատկերը չերեւիր. պէտք է զանոնք երեւան բերել մասնաւոր միջոցներով։ Այս գործողութիւնն անթերի կատարելու համար աշխատանոցի մը պէտքը զգալի է, որուն առաջին պայմանը բոլորովին մութ լինել եւ ամենափոքը տեղէ մ'իսկ լոյս չառնելնէ, վասնզի լոյսը կ'անհետացնէ պատկերը. միայն թէ կարմիր կամ կանանչ լապտերով մը լուսաւորելու է։ Անհրաժեշտ պէտք մը չէ սակայն որ



Լապտեր

ամեն ոք անպատճառ մութ աշխատանոց մ'ու-

նենայ. Եթէ ուզէ՝ գիշեր ատեն ալ վերոյիշեալ
լապտերով կրնայ գործել:

Բլաբներուն վրայ առնուած պատկերն երեւան
բերելու համար թէպէտեւ շատ եղանակներ կան,
սակայն ամենադիւրին, ամենապարզ եղանակը և
ամենէն գործածականը հետեւեալն է:

Շասին խաւարասենեակէն հանելէ վերջ սեւ
լաթի մը մէջ փաթթելու, — ըստ պարագային՝
բլաբը ընդ երկար կրնայ պահուիլ, միայն թէ լոյ-
սէ և խոնաւութենէ զեշծ մնալու է, — և աշ-
խատանոց տանելու է, որ լապտերը վառելէ
վերջ, բլաբը շասիէն հանելու է և այն ատեն զար-
մացմամբ պիտի տեսնէք թէ բլաբը բնաւ փոփո-
խութիւն չէ կրած, այսինքն թէ վրան պատկեր
չը պիտի տեսնէք, բայց կը սխալիք, պատրանք
մ'է այդ, զի պատկերն հոն այնպէս մանրամաս-
նութեամբ գծուած է որ, ամենավարժ արհես-
տաւորի մը ձեռքն իսկ չէ կարող ուրուագծել:

Ահա այդ աննշմարելի պատկերը երեւան բե-
րելու կերպը:

Կանխաւ պատրաստած ըլլալու ենք հետեւ-
եալ մի քանի բաղադրութիւնները.

1.	{Օխալաք նէօրու ը բօրաս	30	կրամ
	{Թորեալ կամ անձրեւի ջուր	100	"
2.	{Սիւլֆաք ը ֆէր	30	"
	{Թորեալ կամ անձրեւի ջուր	100	"
	{Ասիս բառքոիք	$\frac{1}{2}$	"
3.	{Իփոսիւլֆիք ը սուս	15	"
	{Թորեալ կամ անձրեւի ջուր	100	"

Այս բաղադրութեանց առաջինն ու երրորդը երկար օրեր անփոփոխ կը պահուին . սակայն երկրորդը շուտ կ'աւրուի . այս անպատեհութիւնը մասսամբ բառնալու համար դրուած է ասիս բառքը քըռիքը որ գէթ 15 օրի չափ անփոփոխ կը պահէ զայն . իսկ երբ նշմարենք որ բաղադրութիւնը գեղնագոյն մրուր մը սկսած է ձգել , այլ եւս գործածելու չենք զայն , վասն զի աւրուած է , ինչու որ պատրաստուած ժամանակը , հեղուկը կանաչագոյն և անմրուր էր : Սոյն գեղերը վայրկենական արագութեամբ կը լուծուին տաք ջրոյ մէջ , իսկ պաղ ջրոյ մէջ՝ մի քանի ժամէն . միայն թէ հալելէ վերջ բամպակէ անցնելով՝ աղտեղութիւններէ մաքրելու է :


Գործողութեան սկսելէ առաջ՝ աստիճանաւոր շիշի մը մէջ երեք մաս առաջին լուծուածքէն և



Աստիճանաւոր շիշ

մէկ մաս երկրորդէն լեցնելու է (13×18 սանթիմէթրօ տարածութիւն ունեցող բլաֆի մը համար 45 կրամ առաջինէն և 15 կրամ երկրորդէն կը բաւականանայ) . զասոնք իրար խառնելէ վերջ , հեղուկը կարմրագոյն կը լինի . իրեն յատուկ բիւվէք

անուանեալ
բլաֆը հեղութելու է ,
պայմանաւունակի
ատեն բլաֆը
վայրկեան և
և այս գործոցն ըոյն բլաֆը
սին դէմ բարեկանութեան մէջ չեն ,
ձգելով շահնելով ,
լու է մինչ Սոյն վայրի համար եթէ բլագէս վերջ բաց մնալն պարագային հուսկ ուրեմն ըստ տեսած մէջ ալ ելնելու նոր մառն



Քիւվէք

անուանեալ փոքրիկ պնակի մը մէջ լեցնելու է և
բլաֆը հեղուկին մէջ դնելով, կամաց կամաց շար-
ժելու է, օծեալ երեսը վրայի կողմն ըլլալու
պայմանաւ։ Եթէ պատկերառութեան միջոցին
ժամանակի տևողութիւնը ճշգրիտ եղած է, այն
ատեն բլաֆը հեղուկին մէջ ձգուելէ 40—50 երկ-
վայրկեան վերջ, նկարը քիչ քիչ կ'սկսի երեւիլ,
և այս գործողութեան դադար տալու համար՝
սոյն բլաֆը ժամանակ առ ժամանակ կարմիր լոյ-
սին դէմ բռնելով, քննելու ենք թէ պատկերին
ամենանուրբ կէտերն իսկ ելած ե՞ն թէ՛ ոչ. Եթէ
ելած չեն, կըկին և կըկին անգամ հեղուկին մէջ
ձգելով շարժելու է մինչև որ ելնեն. յետոյ բլաֆը
հանելով, առատ բայց մաքուր ջուրով լաւ մը լուա-
լու է՝ մինչեւ որ ջուրը կաթնամոյն լինելէ դադրի։

Սոյն վերոյիշեալ հեղուկը յաջորդաբար 2—3
բլաֆի համար կընայ գործածուիլ, իսկ ոչ աւելի։

Եթէ բլաֆը բաղադրութեան մէջ ձգելէ անմի-
ջապէս վերջ նկարը երևի, նշան է թէ մանրադէտի
բաց մնալն երկարատեւ եղած է. հակառակ
պարագային մէջ՝ կարճատեւ լինելուն նշան է.
Հուսկ ուրեմն եթէ բնաւ չերեւի, անշուշտ բլաֆը
լոյս տեսած ըլլալու է։ Այս երկու պարագայից
մէջ ալ ելնելիք նկարն առ ոչինչ գրելով, շանալու
է նոր մ'առնել։

Այսպէս բլաֆը լաւ մը լուալէ վերջ, երրորդ
բաղադրութեան մէջ ձգելու է տառը վայրկեանի
չափ, որպէս զի պատկերը բլաֆին վրայ հաստատ-
ուելով՝ լոյսի ազդեցութենէն չաղարտուի. յետոյ
7—8 ժամ մաքուր ջրոյ մէջ ձգելով, մերթ ընդ
մերթ փոխելու է ջուրը։ Զը մոռնանք ըսել թէ
երրորդ գործողութիւն մ'ալ պարտինք կատարել,
որ ամառնային ջերաջերմ աւուրց համար կարե-
ւոր և ստիպողական է. բլաֆները երրորդ լուծ-
ուածքէն հանելէ վերջ, 10 վայրկեանի չափ ալ
պաղեղի լուծուածքի մէջ ձգելու է՝ 6 առ 100
համեմատութեամբ հալեցնելով, և յետոյ մաքուր
ջուրով դարձեալ լուալու է. այնուհետեւ բլաֆը
պէտք է պատի մը կոթնյնել, որպէս զի ջուրը,
կամաց կամաց կաթելով, լաւ մը չորնայ։ Սա եւս
ուշադրութեան արժանի կէտ մ'է թէ բլաֆները
երբ նայելու համար պնակէն դուրս հանենք, եր-
կու կողմերէն բոյթ և ցուցամատերու միջոցաւ
բռնելու ենք, եթէ ոչ բլաֆին վրայ անջնջելի
գծերու և բիծերու հետքեր կը մնան, որով
պատկերը կ'աւրուի և մեր աշխատութիւնն ի դե-
րեւ կ'ենէ։

Վերջին ատեններս օժանաքի և սիւլֆաք որ ֆէրի
տեղ իտրօֆինօն կոչուած դեղ մը կը գործածեն
որ ոէվէլաքէօր թօնօր գործարանին մէջ կը պատ-
րաստուի։ Իտրօֆինօն ըսուածը երեք տեսակ դե-
ղերու բաղադրութիւն մ'է և կը ծախուի փոքրիկ
ծրարներու մէջ. ըստ հարկին մէկ ծրարը հազար
կրամ ջրոյ մէջ հալեցնելով գործածելու է. եթէ

միւսէն առաւելութիւն մ'ունի, այն ալ սա է թէ, այս լուծուածքը մինչ երկու ամիս կրնայ դիմանալ և թէ դպջուած տեղերը բիծ չը յօրիներ, սակայն գինը ժողովրդեան դիւրամատչելի չէ:

Վերջերս օհալարի և սիւլֆար ըլ Ֆէրի տեղ է հօնօմէն անունով գեղ մ'ալ հնարուեցաւ. սա փոքրիկ ծրար մը փոշի է զոր 200 կրամ ջրոյ մէջ հալեցնելով, մէկ կողմ դնելու է. ի պահանջել հարկին այդ լուծուածքէն մաս մը առնելով գործածելէ վերջ՝ ուրիշ փոքր միշի մը մէջ լեցնելով պահելու է, վասն զի ուրիշ մէկ քանի բլաբներու համար ալ կրնայ գործածուիլ. բայց երբոր կ'սկսի կարմրիլ, այլ եւս աւրուած նկատելով թափելու է: Ամէն պարագայի մէջ՝ ազնիւ ընթերցողաց կը յանձնարարեմ գործածել օհալար և սիւլֆար ըլ Ֆէր լուծուածքները որք միշտ արդիւնաւոր և աժան են:

ՆԿԱՐԸ ԱԹԱԿԻԷՆ ԹՂԹԻ ՎՐԱՅ ԱՌՆԵԼ

Բլաբին վրայ դրոշմուած նկարը թղթի վրայ առնելու համար կը գործածեն զգայուն (սանսիպիլիզէ) ըսուած թուղթը, որուն այսպէս կոչուելուն պատճառը՝ լուսոյ ազդեցութեան տակ տակաւ առ տակաւ սենալն է: Թղթին այս յատկութեանը վրայ հիմնուած է ընդօրինակութեան գործողութիւնը: Երբ այս թղթէն փոքրիկ մաս


մը բլաֆի վրայ դնելով լուսոյ ազգեցութեան ենթարկենք, լուսոյ հիւլէները. բլաֆին վրայ դրոշմուած նկարին ամենանուրը կէտերէն իսկ անցնելով, բնականին յար և նմանը թղթին վրայ կը նկարեն: Ասոր տեսականն ալ հետևեալն է. թըղթին վրայ նկարուած պատկերը մեր աչաց առջև նոյն իսկ առարկային ճշգրիտ պատկերը կը պարզէ, իսկ բլաֆին վրայ բոլորովին հակառակը նրկարուած է, այսինքն առարկային սև գոյնը ճերմակ և ճերմակն ալ սեւ. երբ զգայուն թուղթը՝ բլաֆին վրայ լաւ մը զետեղելէ վերջ՝ լուսոյ ազգեցութեան տակ դնենք, այն ատեն լոյսը բլաֆին սպիտակ երանգէն շուտափոյթ անցնելով, թուղթը կը սեւցնէ, և սակայն նորա սև մասերէն շատ քիչ և ստէպ բնաւ չանցնելով, այդ մասերը թըղթին վրայ ճերմակ կը մնան. ինչպէս որ մարդու մը պատկերը բլաֆին վրայ՝ երեսը, ճեռները, շապիկը և այլ ճերմակ մասերը սեւ, և զգեստը՝ եթէ սեւ է՝ ճերմակ կը նկարուի, և ասոր ներհակը վերոյիշեալ պայմանաց համեմատ թուղթին վրայ կ'ընդօրինակուի:

Գալով զգայուն թղթին պատրաստման կերպին, փափի՛ց ալպիւմինէ ըսուած թուղթերէն առնլով, վլորիւր ս'օրի լուծուածքի մը մէջ թաթխելու և ամէն կողմը լաւ մը թրջելու է, եւ չորցնելէ վերջ՝ 15% համեմատութեամբ թորեալ ջրոյ և նիքրաք ս'արժանի լուծուածքի մը մէջ գէթ երեք վայրկեան թողլով, զայն մութ աշխատանոցին մէկ կողմը կախելու չորցնելու է. այնուհետև զայն

այնպիսի տուփի մը մէջ պահելու է ուր ոչ լոյս
թափանձէ և ոչ ալ խոնաւութիւն։ Սակայն այս-
պէս պատրաստուած թուղթ դիւրամատչելի գնով
պատրաստ ծախուելուն համար, չարժէր այնքան
աշխատութիւն զոհել այդ մասին։

Ուրիշ տեսակ թուղթ մ'ալ կայ, վերջերս հը-
նարուած, որուն արիստօրիկէի անունը կուտան.
և որ շատ յարգի է՝ վերջին ծայր փայլուն և գե-
ղեցկագոյն լինելուն համար։ Պատկերը ընդօրի-
նակելէ վերջ ներկելու համար լուծուածք մ'ալ
կայ որոյ մասին աւելի ընդարձակօրէն պիտի
խօսուի։

Պատկերը բլաֆէն զգայուն թուղթին վրայ առ-
նելու համար շասի-բռէս կոչուած գրեթէ քա-
ռակուսի շրջանակածեւ գործիք մը կայ, որոյ մէջ



Շասի-բռէս

կը գնենք բլաֆը, զգայուն թուղթն ալ վրան, սա
պայմանաւ որ բլաֆին խաւային կողմը թղթին
զգայուն երեսին կռմնի. թուղթին վրայ կը դը-

նեն իրարու վրայ գոցուող յատկապէս շինուած փայտ մը, որուն վրայ երկու աղեղներ կան. այս աղեղներու շնորհիւ՝ թուղթը բլաֆին վրայ լաւ մը սեղմելէ յետոյ, ռասին լուսոյ ազդեցութեան տակ կը գնենք. յետոյ, 30-40 վայրկեանը անգամ մը մէկ կողմի աղեղը ուշադրութեամբ քաշելով և տախտակին նոյն կողմը բանալով, դիտելու է թէ նկարը իր համայն մանրամասնութեամբ ելա՞ծ է թուղթին վրայ. պէտք է ուշադրութիւն ընել նաեւ որ նկարին գոյնը պէտք եղածէն աւելի երանգաւոր լինի, վասն զի՝ թուղթին վրայ վերջէն ըլլալիք գործողութեանց հետևանօք՝ բաւական կը գունաթափի պատկերը. ասկից ի զատ՝ մեծ ուշադրութիւն ընելու է որ ռասին արեւուն ճառագայթներուն չենթարկուի ուղղակի։ Այսպէս յաճախակի դիտելով, փափաքուած գոյնը գտնելէ յետոյ, պատկերը ռասիէն հանելով՝ անոր տեղ ուրիշ թուղթ դնելու և այսպէս յաջորդաբար շարունակելու է գործողութիւնը, այնչափ անգամ որչափ օրինակ որ կ'ուզենք ունենալ պատկերէն։ Այս նկարուած թուղթերը կրնան քանի մ'օրեր պահուիլ, բաւական է որ լոյսէ և խոնաւութենէ զերծ մնան։

Ինչպէս բլաֆներուն, նոյնպէս ալ նկարուած թուղթերուն բնական գոյնը տալու համար լուծուածքի մը պէտքը կայ որ հետևեալն է.

Այս լուծուածքին զատ ուրիշ մ'ալ կայ զոր
անպատճառ գործողութիւնը կատարուելէ 24
ժամ առաջ պատրաստելու ենք . այն ալ սա է .

Ասէրաբ ՏՐ ՍՈՒՏ	3	ԿՐԱՄ
Թորեալ ջուր կամ անձրեւի ջուր	125	»
ՎԵՐՈՅԻՇԵԱԼ ԼՈՒԾՈՒՄՔՆ	5	»

Ասիկայ պատրաստուած պահուն թեթեւակի
դեղին է , բայց քանի մը ժամ վերջ բոլորովին
անգոյն կ'ըլլայ , իսկ 24 ժամ վերջ գործածելը
անհրաժեշտ է . հակառակ պարագային , եթէ
պատկերները որոշեալ ժամանակին առաջ այս
լուծուածքին մէջ ձգուին , այն ատեն մաքուր սև
գոյն մը կ'առնեն , բայց ասոր յաջորդող , իբօ-
սիւլֆիտի լուծուածքին մէջ բոլորովին տժգոյն և
աղօտ գոյն մը կ'առնեն : Այս գործողութիւնը
պէտք է իրիկուան դէմ կատարել , երբ արեգը
տակաւին մարը չէ մտած , և կամ մութ աշխա-
տանոցի մի քանի լուսանցքները բանալով . որով-
հետեւ յայտնի ճշմարտութիւն է թէ , գիշեր ա-
տեն , արհեստական լուսոյ ազդեցութեամբ ,
մարմինները իրենց բնական գոյներէն բոլորովին
տարբեր կը տեսնուին , ասոր համար է որ բնա-
կան լուսով գործելը աւելի յարմար կը դատենք :

Արդ , վերոյիշեալ ներկող լուծուածքը փոքրիկ
պնակի մը մէջ լեցնելով և պատկերները ջինջ ջը-
րով լաւ մը լուալէ վերջ , անոր մէջ ձգելու և ա-
րագ արագ շարժելու է . 5-6 վայրկեանէն կ'սկսին

առնել բաց մանիշակագոյն, մոռ և չոքոլայի գոյներ, հուսկ ուրեմն սև . յետոյ՝ աչաց հաճելի գոյնը տալէ վերջ, նորէն պարզ ջրով լուալու է . իսկ որպէս զի պատկերը անաղարտ մնայ, այսինքն իւր համակ զգայնութիւնը չկորսնցնէ, վերջին և տարրական գործողութիւն մ'ալ կայ կատարելիք . մաքուր ջրոյ մէջ 20 % իբուփիտիս որ սուս հալեցնելով, պնակի մը մէջ կը լեցնենք և լուածուած պատկերներն անոր մէջ ձգելով՝ 10 վայրկեանի չափ անընդհատ կը շարժենք . յետոյ երեք չորս ժամ ջուրի մէջ թողելու է՝ ջուրն ստէպ փոխելով, որպէս զի իբուփիտիսի ամենափոքր հետքն անգամ չմնայ պատկերներուն վրայ . գործողութիւնը լրացնելէ վերջ, այս վերջին լուծուածքը միշտ թափելու է . իսկ ներկող լուծուածքը կրնանք շիշի մը մէջ պահել և անով երկրորդ գործողութիւն մ'ալ կատարել . գրեթէ նորաքառորդին չափ տակաւին նոր պատրաստուածէն աւելցնելով, գործածելէ 24 ժամ առաջ :

Մեծ ուշադրութիւն ընելու է, որպէս զի ուրիշ անգամներ լուծուածքներուն պնակները չը փոխուին, այսինքն առաջին գործողութեան մը պահուն իբուփիտիս պարունակող պնակին մէջ՝ ներկող լուծուածքը չդնենք երկրորդ գործողութեան մը պահուն :

Իսկ արիստօքիբի թղթին վրայ ընդօրինակուած պատկերներուն համար հարկ ըլլալիք գործողութիւնք, թէև զգայուն թուղթինին յար և նմանն են, սակայն ներկող լուծման բաղադրութիւնը կը

տարբերի։ Գիտնալ պէտք է որ պատկերը պարունակող թուղթերն սոյն բաղադրութեան մէջ պիտի ձգենք՝ առանց նախապէս զանոնք լուալու։

Սոյն բաղադրութիւնն ունենալու համար պատրաստելու է նախ հետեւեալ լուծուածքները։

	Քլօրիւր Տ'օր	1	կրամ
1.	Թորեալ ջուր	100	»
	Սիւլֆոսիանիւր Տ'ամօնիւմ	40	»
	Ալէօն (շապ)	20	»
2.	Հասարակ աղ	40	»
	Իփոսիւլֆիս Տը սուս	175	»
	Անձրեւի ջուր	4000	»


Ներկելու գործողութիւնը կատարելէն 24 ժամ առաջ, առաջին լուծուածքէն 7 կրամ, երկրորդ լուծուածքէն 60 կրամ, եւ 40 կրամ ալ հին(1) լուծուածքէն, պնակի մը մէջ լաւ մը իրարու խառնելու ենք։ Այսպէս կազմուած բաղադրութեան մէջ պատկերները 20—40 վայրկեան ձգելով շարժելու ենք։ ապա լաւ մը լուալէ վերջ, քառորդ ժամու չափ ալ 20 % համեմատութեամբ պարզ ջրոյ և իփոսիւլֆիս Տը սուսի լուծուածքի մը մէջ ձգելու և անընդհատ շարժելու է։ յետոյ դարձեալ 3-4 ժամ պարզ ջրոյ մէջ ձրգելով լուալու է, ստէպ այս ջուրը փոխելու պայմանաւ։

(1) Հին լուծուածք ըսելով պէտք է հասկնանք այն լուծուածքը որով գործողութիւն մը կատարուած է արդէն։ նոր լուծուածքին վրայ հինն ալ աւելցնելու նպատակն է պատկերին աւելի գեղեցիկ փայլ մը տալ։

(Այս ներկող լուծուածքը առնուազն 10 օր կը գիմանայ և երբ կը տեսնենք թէ, թաթխուած պատկերները կ'սկսին կանաչանալ, նշան է թէ աւրուեր է . ուստի այլ եւս պէտք չէ գործածել զայն . իսկ մէկ անգամ գործածուած լուծուածքը կապոյտ շիշի մը մէջ պահելով, կրնանք քանի մը անգամներ եւս գործածել, բաւական է որ վերոյգրեալ համեմատութեամբ նոր լուծուածքէն աւելցնենք :)

Ահա այսպէս պատկերները 4-5 ժամ պարզ ջրոյ մէջ թողելէ յետոյ, հանելով տափարակ թիթեղի կամ ապակւոյ մը վրայ երեսն ի վար տարածելու և լաթի կտորով մը չորցնելու է . ապա անոնց ետեւի կողմը վրձինով կամ մատով քսելու է կանխաւ պատրաստուած թանձրամած մածուցիկ նիւթ մը (որ քոյան ջուրի մէջ եփելով կը շինուի), — ուշադրութիւն ընելով որ պատկերին երեսը չաղտեղի, — և երկու ծայրերէն բռնելով, բարքօնի վրայ փակցնելու է և պատկերին վրայ թուղթ մը ծածկելէ վերջ, բռուցքով լաւ մը շփելու է, որպէս զի հարթուին խորտ ու փորտ տեղերն ուր ընդհանրապէս օդ և քօլայի կոյտեր կը գտնուին : Այս կերպով պատրաստուած նկարներն, լուսանկարչատունէն ելած պատկերներուն չափ փայլուն չեն լինիր, որովհետեւ անոնք ճնշիչ գործիք մ'ալ ունին որուն մէջէն անցունելով այսպէս պատրաստուած պատկերը, կը փայլեցնեն զայն : Այս գործիքը երկու գլանաձև երկաթներէ կը բաղկանայ . գործողութեան պա-

հուն՝ թեթևակի կերպիւ կը տաքցնեն սոյն երկաթները լամպարի մը միջոցաւ, քիչ մը աճառ կը քսեն, յետոյ քառօնի վրայ փակած պատկերներն, որք անպատճառ չոր ըլլալու են, ա-



Ճնշիչ գործիք

ռանձին առանձին սոյն երկաթներուն մէջ տեղէն կ'անցունեն, այս երկաթները մանօվելայի մը միջոցաւ դարձնելով։ Պատկերներն այսպէս լաւ մը ճնշուելով, սահուն և փայլուն կը լինին։ Այս գործողութիւն մէն մի պատկերի համար յաջորդաբար 4-5 անգամ կրկնուելու է։ Այս գործիքը անհրաժեշտ պէտք մը չէ ամարէօն ներու համար և բաւական ալ սուղ է, բայց լուսանկարչատանց մէջ կը գտնուի. Փափագողը սակայն կրնայ զայն գտնել լուսանկրաչական պիտոյքներ ծախող վաճառատանց մէջ։



ՀՈՒՍԱՆԿԱՐ ԹԻԹԵՂԻ ՎՐԱՅ

Կայ ուրիշ տեսակ լուսանկար մ'ալ, որ յատ-
կապէս լուսանկարի համար պատրաստուած տե-
սակ մը թիթեղի վրայ կը նկարուի և որ կը կոչ-
ուի Թիթեղեան լուսանկար։ Այս թիթեղներուն
մէկ երեսը դեղին կարմրագոյն է, իսկ միւսն՝
սեւ և փայլուն։ Ամէն գործողութիւն այս վերջ-
նոյն վրայ պիտի կատարուի։ Ամէն ոք գիտէ թէ
թիթեղին վրայ ելած լուսանկարը թուղթին վը-
րայ ելածին աղուորութիւնը չունի, և թերեւս
անգործածելի իսկ ըլլար, եթէ լաւ յատկութիւն
մը չունենար, որ է խիստ կարծ ժամանակի
մէջ պատրաստուիլը։ Շատեր այս դոյզն յատ-
կութենէն օգուտ քաղելով, տօնավաճառներու,
հանրային զբոսավայրերու մէջ, լոկ քանի մը ժամ-
ուան համար, փոքրիկ ու շարժուն աշխատանոց
մը հաստատելով, բաւական դրամ կը շահին։

Բլաբները, ինչպէս առաջ ալ խօսեցանք, տու-
փերու մէջ պատրաստուած կուգան, սակայն թի-
թեղներն այսպէս չեն։ Ասոնց վրայ մենք պար-
տաւոր ենք կարգ մը գործողութիւններ ի կիր
առնուլ, զայն զգայուն ընելու համար։ Աւելի
շահաւէտ է և պատկերն աւելի մաքուր ու յըս-
տակ կ'ելնէ, եթէ կատարուելիք գործողութիւնն
լուսանկար առնելէ քիչ առաջ լինի։

Թիթեղը զգայուն ընելու համար, աշխատա-
նոցին մէջ՝ առոր սև և փայլուն երեսին վրայ կը

լեցնենք քոլոսիոմ կոչուած թանձը հեղուկէն և
քիչ մը կը շարժենք զայն, որպէս զի մակերեսին վը-
րայ հաւասարապէս տարածուի. յետոյ թիթեղին
մէկ անկիւնը սակաւիկ մը ծռելով, անոր վրայ
գտնուած հեղուկին աւելորդ մասը շիշը կը պար-
պենք: Աւելորդ է ըսել թէ շիշին բերանը միշտ
գոց պահելու է, որպէս զի հեղուկը յօդո չը
ցնդի: Այս գործողութիւնը կատարելէ անմիջա-
պէս վերջ, միեւնոյն կիրառումը ընելու է նաեւ
հետեւեալ լուծուածքն.

Թորեալ ջուր	100	կրամ
Ասիս ազօրին (քէզապ)	1	"
Նիդրադ ս'արժան (ճէհէննէմ թաշը)	10	"

Չը մոռնալու համար կը կրկնենք թէ այս
գործողութիւնը մուխ աշխատանոցին մէջ պիտի
կատարուին, և թէ թիթեղն՝ տակաւին իւր խոնաւ
վիճակին մէջ, շասին դնելու է: ինչ որ խօսուե-
ցաւ բլաբներուն համար դիրքի մասին, թիթեղ-
ներուն համար ալ ճիշդ անոր յար և նմանն է.
միայն սա փոքրիկ տարբերութիւնը կայ որ, ման-
րադէտը բանալու և գոցելու տեւողութիւնն
անկէ քիչ մ'աւելի ըլլալու է. ըստ լուսոյ սաստ-
անկէ կութեան կամ նուազութեան, 15-40 կամ մինչ
50 երկվայրկեան տեւելու է, որպէս զի պատկերը
թիթեղին վրայ լաւ ուրուագծուի: Յետոյ, շասին
աշխատանոց տանելով, թիթեղը հանելու է. նո-
րէն պիտի զարմանաք երբ տեսնէք թէ թիթեղին
զգայուն երեսը, որ և է փոփոխութիւն մը չէ

կրած, այսինքն ինչ որ էր առաջ՝ նոյնն է վերջը, սակայն ինչպէս առաջ խօսեցանք, պատկերը թէ-պէտ և գծուած, բայց աննշմարելի է. զայն երեւան բերելու համար պահ մը հետևեալ լուծ-ման մէջ ձգելու ենք.

Ալֆօն (Իսրիրթօ)	10	կրամ
Ասիս ասէրիք (Թիրքէ բուհու)	10	"
Սիւլֆաթ Տէր (զամ քըպըրը)	15	"
Անձրեւի կամ թօրեալ ջուր	250	"

Այս լուծուածքին քիչ մը պնակի մը մէջ լեցլնելով, թիթեղը մէջը կը ձգենք և կը շարժենք, մինչեւ որ պատկերն իւր ամենանուրբ կէտերովս հանդերձ յստակ կերպով երեւան ելնէ. այն ատեն գործողութիւնը կը դադրեցնենք և թիթեղը, քանի մ' անգամ պարզ ջուրով կը լուանք: Յետոյ զգայնութիւնը բոլորովին ջնջելու համար, 45 % պարզ ջրոյ մէջ հալած իբօսիւլֆիս Տը սուսի լուծուածքի մը մէջ ձգելով, առ նուազն 10 վայրկեանի չափ կը շարժենք. յետոյ քանի մը անգամներ եւս պարզ ջրով կը լուանք, և նախապէս պատրաստուած հետևեալ լուծուածքին միջոցաւ փայլեցնելով. կրակի վրայ կը չորցընենք:

Ճերմակ կօմալաբա (կօմ լաք պլան)	10	կրամ
Ալֆօն (Իսրիրթօ)	100	"

Նախ փոքր շեշի մը մէջ ալֆօնը կշռելէ վերջ, կօմալաբը մանրելով մէջը լեցնելու և ջրով լեցուն ամանի մը մէջ դնելով տաքցնելու է. շե-

Հին բերանը բաց ըլլալով տաքցնելու է, մինչև որ
սոյն մարմինը լաւ մը հալի. մերթ անլու ծելի
մաս մը կը մնայ, որ կարեւորութիւն չունենա-
լով, լուծուածքը կը պաղեցնենք և քամելու յատ-
կացեալ թղթէ մը (papier à filtre) անցունելով,
լաւ մը կը զտենք:

Վերջապէս, թիթեղներուն վրայի պատկերը
փայլեցնելու համար թիթեղին մէկ ծայրէն բըռ-
նելով, այս հեղուկէն քիչ մը կը լեցնենք վրան և
թեթևակի կը շարժենք, որպէս զի հեղուկը թի-
թեղին ամէն կողմը հաւասարապէս տարածուի.
յետոյ թիթեղը մէկ կողմը քիչ մը ծռելով, վրան
գտնուած հեղուկին աւելորդ մասը շիշին մէջ կը
պարպենք: Թիթեղը չորցնելու համար, պատկե-
րին հակառակ կողմէն, թեթև տաքութեան մը
կամ լամպարի մը վրայ բռնելու է:

Ահա այսպէս թիթեղին վրայ, սկիզբէն ցվերջ
կատարուելիք այս գործողութիւնք, հազիւ հազ
կը տեւեն մէկ քառորդ ժամ, ու այսքան կարճ
ժամանակամիջոցի մէջ պատրաստի կ'ունենանք
որ և է առարկայի մը լուսանկարը: